

PULEGA O TUPE FAAVA O MALO A

SAMOA



O le aso ma le filiga....



RIPOTI	LOMIGA
2014	9
	FAALE-TAUSAGA



MALO O SAMOA

OFISA O LE MINISITA O TUPE

Matagaluega o Tupe, Faletupe Tutotonu a Samoa, Faletupe o Atinae a Samoa, Faaputugatupe mo le Lumanai Manuia o Tagata Samoa, Faalapotopotoga Tau Inisiua a Samoa, Faalapotopotoga o Mea Tau Fale a Samoa, Komiti o Tauofoga, Pulega o Tupe Faava o Malo a Samoa, Komiti Tau Atinae a le Kapeneta.

Aso 08 Aperila 2016

Afioga i le Fofoga Fetalai
Fono Aoao Faitulafono a Samoa

E tusa ai ma le fuaiupu 20(5) o le *Tulafono o le Pulega o Tupe Faava o Malo a Samoa 2005*, ou te tuuina atu ai ma le agaga faaaloalo le lipoti a le Pulega o Tupe Faava o Malo a Samoa i ana galuega faatinoina mo le sefulu ma le lua masina na faaiuina i le aso 30 Iuni 2014, faatasi ai ma faamatalaga tau tupe ua maea ona sueina faasuetusi mo lena vaitaimi ma le lipoti a le suetusi i ana faamatalaga tau tupe.

Afioga Sili Salā Epa Tuioti
MINISITA O TUPE



Samoa International Finance Authority

Please address correspondence to
THE CHIEF EXECUTIVE OFFICER

Aso 21 Tesema 2015

Afioga Tuilaepa Aiono Lufesoliai Fatialofa Dr. Sailele Malielegaoi
Minisita o Tupe
Matagaluega o Tupe
APIA.

Lau Afioga i le Minisita,

E ia te a'u le ava tele e tuuina atu ai le lipoti faaletausaga a le Pulega o Tupe Faava o Malo a Samoa, e pei ona aiaia i le *Tulafono o le Pulega o Tupe Faava o Malo a Samoa 2005*, mo le tausaga faaletupe 1 Iulai 2013 i le aso 30 Iuni 2014.

Ua aofia i le lipoti:-

- (a) se lipoti o galuega a le Pulega, a o faagasolo le sefululua (12) masina, seia faamutaina i le aso 30 Iuni 2014; ma
- (b) le faamatalaga tau tupe a le Pulega ua maea ona sueina faasuetusi mo le sefululua (12) masina na faaiuina ia Iuni 2014, faatasi ai ma le lipoti a le suetusi.

Ma lo'u faaaloalo lava

Alosamoa Erna Va'ai-Aiono
PULE SILI O LE PULEGA O TUPE FAAVA O MALO O SAMOA

FAASOLOGA O MATAUPU

- 04 Saunoaga mai le Taitaifono
- 06 Saunoaga a le Pule Sili o le SIFA
- 08 O le Puleaina ma Galuega Tauave a le SIFA
- 10 Faatulagaga o le SIFA
- 14 Tulafono e Pulea ai le SIFA
- 20 Galuega a le SIFA
- 26 Atinae
- 28 Faatinoga Tau Tupe a le SIFA
- 29 Faamatalaga Tau Tupe

Saunoaga mai le Taitaifono



O le viiga ma le faafetai e mua pea i le Atua aua o Lona alofa ma Lana taitaiga ua iu ai ma le manuia galuega o lenei tausaga faaletupe. O lona alofa ma lana fesoasoani ua mafai ai ona ausia sini ma faamoemoega a le SIFA na faatulaga i le sefulu-ma-le-lua masina talu ai. O le agaga faafetai lea ou te faia ai lenei faatomuaga mo le Lipoti lenei faa-le-tausaga a le SIFA mo le 2013/2014.

Ou te fia faamau ni itu taua o galuega na mafai ona faatino e le SIFA i lenei tausaga ua mavae:

- Na faaauau le auai atu o sui o le Pulega ma le Aufaigaluega a le SIFA i fonotaga ma aoaoga a tino faa-va-o-Malo o lo o feagai ma le mataituga o le sa'o ma le saogalemu o le fegasoloai o tupe faa-va-o-Malo ae maise faamaumauga tau tupe ma lafoga. O ia faalapotopotoga e aofia ai le Peer Review Group (PRG), le Corporate Registers Forum (CRF), ma le Asia Pacific Group (APG) ae maise le faalapotopotoga o Malo o le Taupulega, le Francophonie (Malo o le Taupulega e faaaoaga le Gagana Farani), faapea le G20 po o le Fono o Malo e lua sefulu (20) o le lalolagi e aupito i mauluga ma malolosi o latou tamaoaiga.
- Na faapea foi ona faamalosia auaunaga i le itu lava lea o le mataituga o le faaaoaga o auaunaga tau tupe faa-va-o-Malo o lo o ofo atu e Samoa, tauala atu i le SIFA, i le auai atu o sui sinia o le Pulega i fonotaga ma aoaoga a le Group of International Finance Centre Supervisors (GIFCS). O le fono lea a ulu o Pulega o Tupe Faa-va-o-Malo a atunuu uma o lo o ofo atu auaunaga tau Tupe Faa-va-o-Malo. Faapea foi fono ma aoaoga a le Group of International Insurance Supervisors (GIICS), o faauluuluga o Pulega a atunuu uma o lo o ofo atu auaunaga tau inisiaua faa-va-o-Malo.
- Aua le faalauiloaga o auaunaga o lo o ofo atu e le SIFA na mafai ona auai atu ai i fono faalauiloa sa faia i Panama, Meleisia, Hong Kong i Saina, ma Taiwan.


- O fesoasoani a le SIFA o lo o faaaauu pea ae maise i le atinaega o taaloga i Samoa mo le lakapi, kirikiti faa-Egelani, feausiga, hockey ma le netipolo. Sa faatino foi galuega a le SIFA aua le ausia o sini ma manulauti a le SIFA e pei ona aiaia i lana tulafono autu.
- Na faaaauu foi le fesoasoani a le SIFA i faalapopotoga a le Atunuu e pei o le “Youth Alive” mo autalavou aua le ofoina atu o ni isi avanoa i le fanau ae maise i le saosasoa o suiga o le talutalufou.

E ui i le fesuisuiai o le siomaga tau le tamaoaiga o le lalolagi, ae o lo o faaaauu pea ona faatino e le SIFA ana gaoioiga i se tulaga faamanuiaina, e pei ona molimauina i le faatupu e 17 miliona i lenei tausaga faaletupe. I lea itu, ou te momoli atu ai le faamālō i le Pule Sili, le Pulega ma le aufaigaluega mo le galuega tele sa fitā-i-tuga ai i le sefululua (12) masina ua tuanai.

E ui lava i aiaiaga ma faiga faavae faataatitia faa-va-o-Malo, tainane o tauvaga mai maketi ua loa ma mautu a isi atunuu, ae o lo o mafai pea e le SIFA, ona nafatia ma faagaoioi ana galuega i se tulaga manuia, i le lagolago a lo tatou Malo, faapea sui o le Fono Faatonu ma le filiga o le aufaigaluega.

E faamauina foi le faafetai ma le faamalo i sui o le Fono Faatonu, le Afioga i le Loia Sili, le Pule Sili o le Matagaluega o Tupe, faapea sui o le Atunuu ma pisinisi tumaoti mo lo latou sao taua i galuega fai a le SIFA.

Talasia le faagasologa manuia o galuega mo le isi tausaga o lumanai, i le faatasi mai o le Atua.



**TAITAIFONO O LE FONO FAATONU
PULEGA O TUPE FAA-VA-O- MALO A SAMOA**

Saunoaga a le Pule Sili



E ui i le tele o faafaigata na feagai ma le SIFA i le faatinoga o ana galuega, sa mafai pea ona ausia i lenei tausaga faaletupe 2013/2014 manulaiti o lo o limataitaina ai galuega a le SIFA e tusa ma lana tulafono autu. E faapea foi i le tautuaga o paaga masani a le SIFA ae maise le mamalu o lo tatou Atunuu.

Na faaauau le lagolago a le SIFA i le Luni Lakapi a Samoa i le faatupega o le Malaga ma Taamilosaga a le Manu Samoa Tai-toa-fitu (7) faapea le Manu Samoa e i lalo ifo i le luasefulu (20) tausaga po o le U20, le Taamilosaga a le Asosi Netipolo a le Pasefika ma le Taamilosaga Feausiga a le Oceania 2014.

I le itu i tulafono, na pasia ma amata faaoga le *Tulafono o Mavaega Tausi 2014* ua loa ona talia faapea foi ma le toe teuteuga o tulafono o lo o limataitaina ai galuega a le SIFA.

Mo le faalauiloaga o Samoa ma auaunaga o lo o ofo atu e SIFA na mafai ona auai atu mo lea faamoemoe i Panama (Amerika i Saute), Hong Kong i Saina, Taiwan ma Melesia.

O matafaioi eseese a le SIFA ua alagatatau ai ona faaauau aoaoga i faiga faataatitia faa-va-o-Malo i faatinoga aupito sili ona lelei aua le vaavaaiga ma le mataituga ia lelei faatino auaunaga tau tupe faa-va-o-Malo. O le naunautaiga ina ia faamautinoa le tulaga maua i tomai ma le silafia o le afaigaluega a le SIFA, e ala i le auai atu o sui sinia o le Pulega a le SIFA i aoaoga ma fonotaga.

I lea itu, na faapea ona auai atu ai ofisa sinia ma le afaigaluega i fonotaga faaleaoaoga na faatautaia e le Faalapotopotoga o Galuega Felagolagoai Tau le Tamaoaiga ma Atinae, le (OECD), a le Fono Faalelalolagi i le Faasoaga o Faamaumauga tau i Lafoga (Global Forum), o le Faalapotopotoga o Faaputugatupe Faava-o-Malo, (IMF) ma le Fono a Ofisa Resitala o Kamupani Faa-va-o-Malo (CRF), e ese mai ai i fonotaga masani faaletausaga a le Faalapotopotoga e Vaavaaia Tulaga Tau Auaunaga tau tupe faa-va-o-Malo (GIFCS), le Faalapotopotoga e mataitua auaunaga tau inisiua faa-va-o-Malo (GIICS), ma le APG.

O Polokalame Faamasani i galuega na auina atu ai nisi o le afaigaluega i le Ofisa Resitala o Kamupani a Niu Sila, i le vaega o resitala faamauina, ua faatamaoia ma siitia ai i se tulaga faaleleia, e lē gata i le silafia o le afaigaluega i faiga fou faanonaponei i tulaga faatekonolosi, i totonu o lena ofisa, ae ua faapea foi ona faamaonia ai le aveva o lea faiga ma ala e silasila ai i le taua o le galue faamaoni ma a latou foi faiga faavae tau le galuega.

O nei fuafuaga e maua ai avanoa faamasani i fafo e matuā manaomia lava, a o taumafai pea ia tausili i mea lelei i taumafaiga uma a le SIFA. Ua amata se taumafaiga a le SIFA ina ia mafai ai ona faaoga auala faatekonolosi amata atu i resitalaga e mafai ai ona faaoga le upega tafailagi mo faamaumauga o le mysifa.ws.

E ui lava ina telegese le toe faaolaola o le tamaoiga o le lalolagi, mai le tulaga pagatia sa i ai, ae ua ou fiafia lava e faamauina se siitaga i la tatou faatupu ua maua i lenei tausaga faaletupe e 17 miliona.

Mo nei manuia ma faamanuiaga uma ua maua e le SIFA i le sefulu lua (12) masina ua tuanai, e tumau ai pea le faafetai ma le faamanu i le Atua Silisiliese ma le tatalo, ia susulu pea fofoga alofa a lo tatou Alii ia Samoa.

Soifua ma ia manuia,



Alosamoa Erna Va'ai-Aiono

PULE SILI

PULEGA O TUPE FAA-VA-O-MALO A SAMOA

1. O le Puleaina ma Galuega Tauave a le SIFA

O le Pulega o Tupe Faa-va-o-Malo a Samoa(SIFA) o lo o puleaina e le Pule Sili (CEO) na tofia e le Kapeneta i luga o le fautuaga a le Minisita. O lo o tauaveina e le SIFA le matafaioi o le faatonutonuina o le pulega ma auaunaga tau tupe ma pisinisi faava o malo, ma faiga faataatitia faava o malo ua taliaina mo ia ituaiga galuega. Faatasi ai ma le tuuina atu o faatonutonuga o kamupani o lo o tuuina atu auaunaga tau tupe ma pisinisi faavaomalo.

O le SIFA o lo o faafoeina e le Fono Faatonu, o lo o aofia ai sui aloaia e toafa o le Malo. (o i latou ia e i ai le Kovana o le Faletupe Tutotonu, o le Loia Sili, o le Pule Sili o le Matagaluega o Tupe), ma e oo atu i le toatolu faatonu mai le vaega ma pisinisi tumaoti. O sui mulimuli ia e tatau ona i ai so latou silafia/tomai i auaunaga tau tupe, faatasi ai ma le potu masani, o agavaa ma tomai faapitoa e fesoasoani ai i le SIFA i le faatinoga o ana galuega tauave. O le Fono Faatonu e tatau ona fono, a itiiti o le faa-tasi i le tai-lua masina. O sui auai o le Fono Faatonu e ao ona vave faailoa manino pe a iai so latou sootaga ma se mataupu o lo o tagofia e le Fono Faatonu e ono maua ai sa latou faamanuiaga tau tupe.


O galuega tauave ua taua i lalo, ua faaalai ai i se tulaga lautele le fesuisuia o galuega tauave ua faatinoina i aso taitasi, ma le uiga eseese o galuega a le SIFA. O le isi foi itu, ua faatino e le SIFA o le faatonutonuina faaletulafono ma le vaavaaiga o galuega ina ia avea ai ma sini autu, le puipuia ma le tausisia pea o le tulaga faatuatuaina ma le tauleleia o lo tatou Ofisa Tutotonu, faapea le unaia ma sailia o auala e faamautuina ai le malosi o le faatosina ina ia avea Samoa o se nofoaga tutotonu tau tupe faava o malo e moomia i nuu e mamao.

O galuega tauave nei a le SIFA, e tusa ai ma le fuaiupu 4 o le *Tulafono o le Pulega o Tupe Faava o Malo a Samoa 2005*:

- ⇒ Ia mataitu ma vaavaaia le faatinoga o auaunaga tau tupe faava o malo o lo o tuuina atu i totonu o samoa;
- ⇒ Ia puipuia ma tausia le igoa tauleleia o Samoa e avea ai ma nofoaga tutotonu mo auaunaga tau tupe faava o malo;
- ⇒ Ia faamautinoa le tuufaatasia ma le galulue faatasi i le va o sooupu a le malo, o faalapotopotoga tumaoti, ma faalapotopotoga e le o ni faalapotopotoga a le malo o lo o aafia ai i so o se auala e fesootai ai ma auaunaga tau tupe faava o malo;
- ⇒ Ia faalauiloa Samoa e avea ma nofoaga tutotonu mo auaunaga tau tupe faava o malo;

- ⇒ Ia faia fautuaga mo le faaofia, teuteuga po o le suia o tulafono e faasino i auaunaga tau tupe faava o malo, kamupani ma isi lava ituaiga o faatulagaga o pisinisi tau tupe faavaomalo;
- ⇒ Ia faatino suesuega ma faia sailiiliga i le vaega o pisinisi faava o malo ma auaunaga e fesootai i ai;
- ⇒ Ia nafa ma le pulega lautele o tulafono o auaunaga tau tupe faava o malo ma mo le aoina o totogifuapauina uma, o tau faaee atu, ma isi tupe maua ua tatau ona totogiina i lalo o ia tulafono;
- ⇒ Ia fautua ma faia fautuaga i le Malo i se tulaga lautele, i so o se mataupu e faasino i auaunaga tau tupe faava o malo; ma
- ⇒ Isi lava galuega tauave e faasino i auaunaga tau tupe faava o malo e pei ona mafai ona poloaia i se Poloaiga e faia e Le Ao o le Malo.

O le ata lenei ua faaalua ai le faatulagaga o le Pulega o Tupe Faava o Malo a Samoa (SIFA):



2. Faatulagaga o le SIFA

2.1 Fono Faatouu



TAITAIFONO
Maiava Atalina Ainuu-Enari



LOIA SILI
Aumua Ming Leung Wai



PULE SILI - SIFA
Alosamoa Erna Va'ai-Aiono



PULE SILI – MATAGALUEGA O TUPE
Tupa'imatuna Iulai Lavea



**SUI PISINISI / VAEGA
TUMAOTI**
Fatima Strickland



**SUI PISINISI / VAEGA
TUMAOTI**
Tuatagaloa Alfred Schwalger


2.2 Pulega



Tutū (Agavale - Taumatau): Cheshire Malua – Pule Sili Lagolago Vaega o Tupe/Vaavaaiga, Kolisi Simamao – Pule Lagolago Vaega o Tupe/Vaavaaiga, Kalala Mataia – Pule Lagolago Vaega o Resitala, Koroseta Lesatele – Pule Lagolago Vaega o Faafoega

Nonofo (Agavale - Taumatau): Agnes Kerlake – Pule Vaega Tau Maketi, Moana Ah Poe – Pule Vaega Tau Faafoega, Alosamoa Erna Va'ai-Aiono – Pule Sili, Sieni Voorwinden – Pule Sili Lagolago Vaega o Resitala/Tulafono, Ala Meleisea – Pule Vaega o Tupe/Vaavaaiga

2.3 Faatulagaga o le SJFA



2.4 Anfaigalnega a le SJFA



3. Tulafono e Pulea ai le SIFA

O le Pulega o Tupe Faava o Malo a Samoa (SIFA) na faavaeina e le *Tulafono o le Pulega o Tupe Faava o Malo a Samoa 2005* (SIFA Act) e faafoeina tulafono ua taua i lalo. I le faamoemoe o le SIFA ia tausisi i faiga faataatitia faava o malo ma le tulaga o le tausiga o le nofo silafia o vaega uma i le itu tau atinae i le lalolagi o atunuu i fafo, ua faapea ona toe iloiloaina ai e le SIFA ma faalapotopotoga talafeagai i lo tatou lotoifale, o ana tulafono ma le faamoemoe ina ia faalautele atili le tulaga aaoatetele o ana faiga faapisinisi ma auaunaga tau tupe faavaomalo ua iai nei.

3.1 Tulafono o Kamupani Faava o Malo 1988

Ua aiaia ai le faavaeina ma le faamauina o kamupani faava o malo ma kamupani mai fafo. O le faavaeina faaletulafono o se kamupani faava o malo e faigofie lava ma e vagana ai ua ese se isi tulaga e aliae mai ona sili atu lea i lo se aso e tasi e manaomia mo lona faamauina.

O le Faamauina o se kamupani faavaomalo e faia lea i se talosaga e faia i le Resitara o Kamupani Faava o Malo ma Kamupani Mai Fafo e ala i se Kamupani Tausi Mavaega ua laiseneina, ma tuuina mai faatasi ai ma Faamatalaga ma Mataupu Faavae o le Faavaeina Faaletulafono o le Kamupani, o le totagifuapauina, lea ua faatumauina, ma le faasilasilaga o lona Ofisa faamauina/aloaia. O Pepa Faatumu o Faamatalaga o Tulaga Aloaia ma Mataupu Faavae o se kamupani o lo o i le Tulafono e mafai ona faaoga atoa e se kamupani, pe faaoga foi na o nai vaega e finagalo iai le kamupani.

3.2 Tulafono o Kamupani Tausi Mavaega 1988

Ua aiaia ai se kamupani ua faavaeina faaletulafono e avea o se kamupani laiseneina mo le faafoeina o pisinisi a kamupani tausī mavaega mo kamupani mai fafo, po o kamupani faavaomalo. O kamupani tausī mavaega, ua na o i latou e faataga ona tuuina atu auaunaga mo kamupani faava o malo.

3.3 Tulafono o Inisiua Faava o Malo 1988

Ua faatonutonuina ai faaletulafono pisinisi inisiua faavaomalo o lo o tauaveina e kamupani ua faamauina faava o malo ma kamupani i atunuu i fafo, i lalo o le *Tulafono o Kamupani Faava o Malo 1988*. E fa (4) ituaiga laisene tau inisiua, o ia ituaiga laisene inisiua: laisene lautele, laisene mo vaitaimi umi, laisene o pisinisi inisiua ua faatapulaaina. O talosaga ia faia i le Resitara o Inisiua Faava o Malo ma e manaomia le kamupani talosaga ina ia tuuina atu faamaoniga e tusa ai ma lona tulaga tau tupe, lipoti ma tusi faamaonia mai Leoleo. O totagifuapauina o le Faamauina e fesuisui, ma e faalagolago lea i le ituaiga pisinisi o lo o faatinoina. O le Faamauina e mafai ona toe faafou i le tai sefululua (12) masina, i le maea ai ona totogi le totagifuapauina ua faatonuina.

3.4 Tulafono o Faiga Faapaaga ma Faiga Paaga Faava o Malo ua Faatapulaaina 1998

O le Tulafono lea ua aiaia ai mo Faiga Faapaaga ma Faiga Paaga Faava o Malo ua Faatapulaaina. Ua faamatalaina ai o se Faiga Faapaaga Faava o Malo po o se Faiga Paaga ua Faatapulaaina e faapea ua faamauina i lalo o le Tulafono ma e tusa ai ma ia tulaga, o paaga uma e le tataui i taimi uma, ona avea ma tagata aumau i Samoa; ma e lē mafai e le faiga faapaaga ona tauaveina se pisinisi pe auai i se feafaatauaiga i totonu o Samoa; ma o le toatasi o paaga po o paaga faatapulaaina o le faiga paaga faatapulaaina, a le o se kamupani faava o malo, ua faamauina, o se kamupani mai fafo, po o se kamupani tausī mavaega ua laiseneina. E manaomia faiga faapaaga taitasi ina iai sona ofisa faamauina i totonu o Samoa, ma e tataui ona faaoga kamupani tausī mavaega ua laiseneina.

3.5 Tulafono o Kamupani o Faaputugatupe Tumaoti Faava o Malo 2000

Ua aiaia ai mo se kamupani Tausī Mavaega ina ia talosaga i le Resitala ia (1):- faavaeina faaletulafono se kamupani o faaputugatupe tumaoti faava o malo po o le faamauina o se kamupani faava o malo o lo o i ai nei, ina ia avea o se kamupani o faaputugatupe tumaoti faava o malo pe afai ua faatagaina i le faamatalaga tusitusia o se kamupani po o (2), ia faamauina se kamupani o faaputugatupe tumaoti faava o malo, e ala i le faaauuina pea.

E tataui ona faauluina talosaga faatasi ai ma le Faamatalaga tusitusia e faamalamalama ai ma Mataupu Faavae o le Kamupani ua fuafuaina, o le Faasilasilaga o le Ofisa Faamauina, o le totogifuapauina po o totogifuapauina ma le tusi faamaonia a le Kamupani Tausī Mavaega ua laiseneina e faamautuina ai ua tausisia manaoga uma o le Tulafono.

3.6 Tulafono o le Puipuia ma le Taofiofia o Faiga Faatupu Faalavelave 2002

Ua aiaia ai faiga faasolitulafono, gaoioiga eseese, e aofia ai le faapaina o pomu e tagata faatupu faalavelave, taofia faamalasia, osofaiga e faia i tagata ua puipuia Faa-va-o-Malo, ave faamalasia faasolitulafono o vaalele, faiga faatupu vevesi i malae vaalele ma le taofia faasolitulafono o vaa. O le faatupeina foi o ia gaoioiga faatupu faalavelave ua avea o se soligatulafono. Ua toe aiaia foi i le Tulafono, le taofia ma le faoa faamalasia o vaegatupe ma tupe maua ua faaogāina mo le faatupeina o faiga faatupu faalavelave ma ua faatagaina ai le pueina faapagota ma le aumaia ma le auina ese atu o tagata mai fafo ua masalomia i faiga faatupu faalavelave. E lē gata i lea, ua tuuina atu ai foi i le Tulafono, le malosiaga o feagaiga faava o malo, e tusa ai o le puipuia ma le taofiofia o faiga faatupu faalavelave.

3.7 Tulafono o le Pulega o Tupe Faava o Malo a Samoa 2005 (Tulafono a le SJFA)

Ua faavaeina i le Tulafono o le Pulega o Tupe Faava o Malo a Samoa le SIFA ina ia faatonutonu, faafoe ma mataitu auaunaga tau tupe faava o malo i totonu o Samoa. Ua faatonuina foi i le Tulafono ona malosiaga, galuega tauave ma aloaia ai le matafaioi tauave ma galuega tauave a le Fono Faatonu. E lē gata i lea, ae ua mafai foi e ofisa tutotonu ona atiae ma siitia lona tulaga e avea o le Ofisa e faatonutonu uma ai le pulega ma auaunaga tau tupe ma pisinisi faava o malo.

3.8 Tulafono o Tenga Tupe Faava o Malo 2005

Ua pulea i lenei Tulafono le laiseneina o kamupani faava o malo ma kamupani mai fafo ua faamauiina i lalo o le *Tulafono o Kamupani Faava o Malo 1988* ma isi kamupani mai fafo ua mananao e faaauau ona faia a latou pisinisi o teugatupe faava o malo i totonu o Samoa.

O le Tagata Asiasi (Inspector) o Faletupe Faava o Malo e tofia e le Minisita, e nafa ma le faatonutonuina faalettulafono ma le vaavaaiga o kamupani ua laiseneina. O malosiaga tau i le laiseneina ma le faatonutonuina o amioga ia talafeagai e i ai pea lea i le Minisita.

Ua tuuina atu i le Tulafono ituaiga laisene se tolu (3) o le teugatupe faava o malo, o le ituaiga A, B1 ma le B2. E fua le ituaiga laisene i galuega a le faletupe, mo se faataitaiga, pe mafai ona taliaina teugatupe mai tagata lautele po o le faletupe o se faletupe ua faatapulaaina. O talosaga e faia e ala atu i le Tagata Asiasi o Faletupe Faava o Malo, o ia lea e tatau ona tapa faatasi ma isi mea o manaomia mai le tagata o lo o talosaga, faamatalaga auiliili o tulaga tau tupe o se fuafuaga tau pisinisi, o e faamanuiaina ai (faatasi ai ma molimau tusitusia, ma lipoti faaletupe), ma se faamaoniga e faapea o faatonu taitasi uma, tagata faafoe po o le pule, o tagata ua “agavaa ma talafeagai”, i le tulaga o le taualoa ma tauleleia, agavaa ma lelei atoatoa.

3.9 Tulafono mo le Puipuia Mai Tupe Faaofi mai Faasolitulafono 2007

Ua aiaia i lenei Tulafono le puipuia mai Tupe Faaofi mai Faasolitulafono, ma ua soloia ai le *Tulafono o Tupe Faaofi mai Faasolitulafono 2000*. E lē gata i lea, ae ua faia ai tulaga faataatitia o faatinoga aupito sili ona lelei faava o malo, ua faatulagaina e le Vaega o Galuega Faapitoa Tau Tupe (FATF) e puipuia le faaofi mai o tupe faasolitulafono.

Ua faamatalaina i le Tulafono le uiga o “tupe e faaofi mai faasolitulafono” pe faia i se auala tuusao pe leai foi, i so o se gaioiga faapisinisi e aofia ai meatotino ia ua avea ma tupe maua mai soligatulafono po o le i ai o mafuaaga talafeagai mo le talitonuina o le meatotino e auala mai i se soligatulafono. O faasalaga mo se soligatulafono ua faia i lalo o lenei Tulafono, o le nofosala i le falepuipui mo le le silia

i le fitu (7) tausaga ma/po o se sala tupe e lē silia le SAT\$1,000,000 (tusa lea o le US\$4,300,000). O le Tulafono e aofia ai “faalapopotoga uma tau tupe” e pei ona faamatalaina i le Tulafono ina ia aofia ai, e lē gata i faletupe ma kamupani tausī mavaega, ae faapena foi i auaunaga o tupe faamomoli, kamupani inisiua, kamupani mavaega tausī, loia, o tausī tusi ma pisinisi mo le teufaafaigaluegaina o tupe.

3.10 Tulafono o Fesoasoani Felagolagoai i Mataupu Tau Soligatulafono 2007

Ua faafaigofie e le Tulafono le tuuina atu ma le maua mai o fesoasoani faava o malo i mataupu tau soligatulafono. O mataupu tau soligatulafono e faasee atu i suesuega tau soligatulafono ma tualumaga tau Faamasinoga o Soligatulafono ma e aofia ai se mataupu (tusa lava pe tulai mai i lalo o tulafono a Samoa po o se isi malo i fafo) e faasino i le faoa po o le aveesea faamalosi o meatotino, o se soligatulafono po o le taofia o le tagofiaina o meatotino, ia e mafai ona faoa pe aveesea faamalosi mo se soligatulafono. Ua faailoa mai ai i le Tulafono lenei le taumafai malosi o le Pulega ma Samoa, ina ia tausisia o faiga faataatitia faava o malo mo le faafetaiaiga o sosofa ai gaoioiga faasolitulafono faava o malo.

3.11 Tulafono o Faamanuiaga e Maua Mai i Soligatulafono 2007

Ua faamatalaina e le Tulafono o “tupe e maua mai i soligatulafono” e faapea o so o se meatotino i lona atoaga po o i sona vaega ua mauaina po o ua faatatauina, e tusa lava po o i se faiga tuusao pe leai foi, mai se soligatulafono matuia, tusa lava pe na tulai mai i totonu po o fafo atu o Samoa. Ua tuuina atu e le Tulafono o malosiaga i ofisa sooupu a le SIFA e faamalosi tulafono, i Leoleo, o le Pulega o Puipuiga mai Tupe Faaofi mai Faasolitulafono, le Vaega o Suesuega Faalilolilo o Faamatalaga Tau Tupe, le Ofisa o Tiute, ma le Faletupe Tutotonu, ina ia faia ni auala ma ni gaoioiga, pe afai o lo o i ai ni meatotino ua talitonuina ua maua i se auala tuusao pe leai foi, ma ua faia ai se soligatulafono matuia i totonu po o fafo atu o Samoa. E mafai ona nofosala i le falepuipui mo se vaitaimi e le silia i le lima (5) tausaga. O Poloaga mai Fafo e taofia ai e o lo o faia gaoioiga faasolitulafono, e mafai ona maua lea e ala i le *Tulafono o Fesoasoani Felagolagoai i Mataupu Tau Soligatulafono 2007*.

3.12 Tulafono o Faaputugatupe Soofaatasi Faava o Malo 2008

Ua aiaia e lenei Tulafono le laiseneina ma le vaavaaia o Faaputugatupe Soofaatasi Faava o Malo ma le Tuufaatasia o Tupe Teufaafaigaluega, ma e e faafoeina. O le Resitara o Faaputugatupe Soofaatasi Faava o Malo, o ia lea e tofia e le SIFA, ua tuuina maoti i ai le pulega faaletulafono e vaavaaia ai ma faatonutonuina ai faaputugatupe soofaatasi. E tolu (3) ituaiga faaputugatupe soofaatasi ua aiaia i lalo o le Tulafono ua taua o Faaputugatupe mo Tomai Faapitoa, Faaputugatupe Tumaoti ma

Faaputugatupe mo Tagata Lautele. O talosaga taitasi uma i lalo o le Tulafono po o se laisene, e ao ona tuuina atu faatasi ma se faasilasilaga o le tuatusi o le ofisa o le tagata talosaga ma le tuatusi e faaoo atu i ai le auaunaga, igoa ma le tuatusi o se tagata o nofomau i Samoa ua faatagaina e fai ma sui o le tagata talosaga ma taliaina o auaunaga tatau e ao ona momoli iai faasilasilaga/faaaliga, ma le tuatusi o so o se ofisa o le tagata talosaga o lo o i fafo atu o Samoa.

3.13 Tulafono o Fefaatauaiga Faatekonolosi 2008

Ua faafaigofie e le Tulafono le faaaogāina o auala faatekonolosi i auala o fesootaiga ae le faaaogāina pepa mo le teuina ma le faamaoniga o faamatalaga e faatinoina ai pisinisi i ala faatekonolosi. Ua faamatalaina e le Tulafono le upu “faatekonolosi” ina ia aofia ai faiga faatekonolosi uma o lo o teu, faitau, ma feaveai ai faamatalaga, ae faapena foi i “faamaumauga ua tusia faatekonolosi” lea ua faamatalaina. O lenei Tulafono e vaavaalua ma le naunautaiga o le SIFA ina ia faatino resitalaga tuusao faakomepiuta, i le faaaogāina lea o le initaneti. O le faamoemoe aupito taua o lenei Tulafono, o le tuuina atu lea o le avanoa, ina ia mafai ai e i latou mai so o se tulimanu o le lalolagi ona faia ni gaoioiga faapisinisi ma le ofisa tutotonu, i le na o le oomi o se ki.

O faamanuiaga o le Tulafono e aofia ai:

- ⇒ Avanoa ai le Ofisa Resitala o Kamupani Faava o Malo ina ia tausia ana faamaumauga i ala faatekonolosi ma taliaina le faamauina o pepa aloaia i luga o le initaneti po o auala faatekonolosi.
- ⇒ Avanoa ai le Vaega Tumaoti, e faasino lea i Kamupani Tausi Mavaega, ina ia tausia faila ma faamaumauga a latou Kamupani i ni ala faatekonolosi i Samoa nei, po o i atunuu i fafo.
- ⇒ Avanoa ai Kamupani Tausi Mavaega ina ia faaititia tupe alu mo auaunaga tau meli mai a latou kamupani autu i atunuu i fafo pe a faaaogāina fesootaiga faatekonolosi.
- ⇒ Le fesoasoani i le tulaga taumamao o Samoa mai isi nofoaga o le lalolagi ma mafai ai ona tauva SIFA ma isi puleaga tau tupe faavaomalo!

3.14 Tulafono o Kamupani Faava o Malo mo se Faamoemoega Faapitoa 2012

O lona faamamaluina ua mafai ai ona fausia o se faiga fou e tuufaatasia ai le kamupani e faagaoioia ma se mavaega mo foai faameaalofa e faamanuiaina pe umia meatotino a le kamupani. O le faatulagaga o lenei Tulafono e faavae i luga o le *Tulafono o Kamupani Faava o Malo 1988* ma e mulimulitai lava i lona faataatiaga. O nei ituaiga kamupani e i ai faamoemoega faapitoa ua fausia ai i le auala lava lea e tasi e pei ona i ai o se kamupani faava o malo. O ia Kamupani e faatoa mafai lava

ona faavaeina, ma e tatau lava ona faafoeina mo le manuia po o foai i galuega alofa (leai se tau) ma e tatau ai lava i taimi uma ona faafoeina e ala i se kamupani tausī mavaega ua laiseneina i totonu o Samoa. I le ma lenē, e tatau lava i le kamupani tausī mavaega i taimi uma lava ona ia umiaina o pepa aloaia taua, ma e tatau ai i nei kamupani ona latou mauaina o le Tusi Faamaonia o Aia Tatau a lē na Faavaeina, o se pepa aloaia lea na te tauaveina ai o aia tatau e tai tutusa lava ma aia a se 'aufai sea.

3.15 Tulafono o Mavaega Tausi 2014

O le *Tulafono o Mavaega Tausi 2014* ua sui ai le *Tulafono o Mavaega Tausi Faa-va-o-Malo 1998*.

O lenē tulafono fou ua aveesea ai le aiaiga sa iai i lalo o le tulafono tuai sa tatau ai ona resitala mavaega tausī i le SIFA.

O le faamoemoe o lenē tulafono fou ina ia fesoasoani e puipui aseta a e mau mea, ia mafai ona latou tuua i a latou mavaega tausī a latou oa ma maioio mai ai po o ai e finagalo e ave iai/tufa iai ia oa pe a maliliu. O mavaega tausī foi latou te faia e fesoasoani ina ia mafai ai ona iai pea le avanoa latou te faauau ai se tulaga tau pulega i le vaavaaiga o a latou pisinisi.

O se itu mataina o lenē tulafono fou o se faatulagaga e tuu faatasi ai mavaega tausī ma kamupani faa-va-o-Malo. E iai isi atunuu o lo o ofo mai ai lea ituaiga auaunaga e pei o le British Virgin Islands. O le igoa la o lea fausaga/faatulagaga a le British Virgin Islands o le VISTA (Virgin Islands Special Trusts Act) a o tatou, o le SISTA (Samoa International Special Trust Arrangement). O ia fausaga e fesoasoani e faamanino ma limataitaina ai le va o faatonu o se kamupani ma tausī mavaega o se mavaega tausī ina ia aua nei lapelapea le faatinoga o a latou tiute faa-le-Tulafono pe a faaoga fausaga ia e faafaigofie ma faaleleia ai le faagaoioiga o se kamupani/pisinisi.

O le tulafono fou foi ua maua ai le tulaga muamua mo Samoa, ua tasi ai le tulafono e limataitaina ai mavaega tausī mo e e aumau i Samoa, ae faapea foi faa-va-o-Malo.

Galuega a le SIFA

Ina ia mautinoa ua ogatasi ana galuega e lē gata i tulaga faataatitia faava o malo ae faapea foi le o gatasi ma atinae e faaaogā e isi ofisa tutotonu tau tupe faava o malo ua lauiloa, ua faaaau ai pea le aveva o le SIFA ma sui auai i fono eseese faava o malo:

- ⇒ Sui faavae o le Fono a Resitara o Kamupani faavaomalo (CRF);
- ⇒ Sui o le Faalapotopotoga e Vaavaaia Tulaga Tau Inisiua Faavaomalo (GIICS)
- ⇒ Sui o le Sosaiete Faava o Malo mo le Fuafuaina o Lafoga (ITPA);
- ⇒ Sui o le Faalapotopotoga e Vaavaaia Tulaga Tau Auaunaga tau Tupe Faava o Malo (GIFCS);

Ua mautinoa e le SIFA e ala i ona Vaega eseese le faatinoga o ana galuega faafefaatauaiga uma i se tulaga aupito sili ona lelei, e lē gata o le tuuina atu o le auaunaga atoatoa i ana paaga faafefaatauaiga, ae faapea foi ona tausisia ana atinae i totonu o le tauaofiaga tau pisinisi faava o malo.

4.1 Vaega o Resitalaga

O resitalaga o kamupani faa-va-o-Malo o se vaega taua lea o galuega ma le auaunaga a le SIFA. I le faatinoga o lea vaega o le tautua a le SIFA, e taua tele le vave ma le mataalia o le faatinoga, ae maise ia faatino i se tulaga aupito sili ona lelei toe ogatasi ma faiga-faavae ua faataoto faa-va-o-Malo. O le umi e masani ona faagaioi ai le resitalaga o se kamupani faa-va-o-Malo, o le lua-sefulu-fa (24) itula po o le itiiti ifo foi.



O so o se talosaga ina ia resitala se kamupani faa-va-o-Malo, e tatau ona faaoo mai i le Resitala o Kamupani Faa-va-o-Malo ma Kamupani mai Fafo, ae ao ona tauala mai i se Kamupani Tausi Mavaega i Samoa ua maea ona laiseneina. Aumai faatasi ai ma aiaiga e limataitaia ai le kamupani, o le totogi e USD\$300 ma le Faasilasilaga o le Ofisa faamaufaailogaina o le kamupani.

E iai foi isi auaunaga e faatino e le Vaega o Resitalaga e pei o le faamaonia o le tulaga lelei o se kamupani; e iai le 'tusi pasi' aloaia e ave atu e le SIFA e faamaonia ai lea tulaga pe a talosagaina ma totogi le tau faatulagaina. E feagai foi le Vaega o Resitalaga ma le tulaga ua sui ai le igoa o le kamupani, po o o le tuufatasia o ni kamupani se lua pe sili atu e faavae ai se kamupani fou, faapea foi suiga i le au fai sea po o le tupe faavae o le kamupani, ae maise le faamaapeina o se kamupani.

A o o i le vaitau pisi (lanuali – Fepuali) e ono oo le aofai o kamupani e resitala e lenei vaega i le selau (100) i se aso e tasi.

I le sefulu-lua (12) masina ua tuanai, o le aofai o kamupani faa-va-o-Malo ua resitala e le SIFA e lima afe, fitu-selau, sefulu-fa (5,714). O le aofai o kamupani o lo o resitala i le SIFA pau mai ia Luni 2014, e 34,861.

4.2 Vaega Tau Tupe/Tausisia o Tulaga Aloaia

4.2.1 Vaega o Tausi Tusi



Vaega Tau Tupe/Tausisia o Tulaga Aloaia

O lenei vaega e feagai ma le tapenaga o faamaumauga tau-tupe/tausi tusi i se tulaga mauuluga; e faapea foi i le tapenaga o lipoti e faatatau i faamaumauga tau-tupe. O nei lipoti e tapenaina faa-le-masina e tusa ai

ma aiaiga faa-va-o-Malo mo ia tapenaga ae maise aiaiga o lo o i le tulafono autu a le SIFA. O lenei vaega e toa-iva (9) le afaigaluega o lo o galulue ai ina ia faamautinoa le atoatoa ma lelei tapena, faamau/tausi ma lipotia itu uma tau-tupe mo le Pulega o Tupe Faa-va-o-Malo a Samoa po o le SIFA.

O le sue-tusi na feagai ma le suesueina aloaia o faamaumauga tau-tupe a le SIFA mo leni tausaga faa-le-tupe 2013/14 o Betham & Co., e tusa ai ma le filifiliga a le Sue-tusi Sili a le Malo o Samoa, e pei ona aiaia i le tulafono autu mo le Sue Tusi Sili ma lona Ofisa na pasia i le 2013.

4.2.2 Tausisia o Tulaga Aloaia/Vaavaaiga

O leni vaega e nafa ma le galuega tele o le mataitu lea o auaunaga o lo o laiseneina e le SIFA. E iai faletupe faa-va-o-Malo, inisiua faa-va-o-Malo, faaputagatupe faa-va-o-Malo ae maise Kamupani Tausi Mavaega i Samoa ua laiseneina. O galuega a lea vaega e fetui tonu ma se tasi o sini autu a le SIFA o lo o i lana tulafono autu – ina ia mataitu le faagasologa lelei ma le sa’o o le faaaogaga o auaunaga tau-tupe faa-va-o-Malo o lo o ofo atu e le SIFA ma laiseneina e le SIFA.

E limataitaina galuega a leni vaega e le tulafono autu a le SIFA, le *Tulafono o Kamupani Faa-va-o-Malo 1998*, le *Tulafono o Inisiua 1988*, ma le *Tulafono o Faaputugatupe Faa-va-o-Malo 2008*.

Auaunaga Tau Tupe Faa-va-o-Malo Laiseneina	Aofai
Faletupe Faa-va-o-Malo	7
Kamupani Tausi Mavaega	9
Kamupani Tutoatasi o Faaputugatupe Tuufaatasi Faa-va-o-Malo	5
Pule o Faaputugatupe Faa-va-o-Malo/po o le Ofisa o Faafoega	5
Kamupani Inisiua Faa-va-o-Malo	4
Kamupani (Pule) o Inisiua Faa-va-o-Malo	2
Kamupani Suetusi Faamaonia	16
Tagata e Faamaapeina ua Faamauina	15

4.3 Vaega Tau Faafoega

E feagai lenei vaega ma auaunaga lautele mo le Ofisa ma le Auaigaluega. E latou te vaavaaia foi le lelei tausima ma faamaumau mea eseese e tua iai le faatinoga o auaunaga uma a le SIFA ae maise aseta eseese.



Vaega Tau Faafoega

4.3.1 Atinae mo le Auaigaluega

I lenei tausaga faa-le-tupe 2013/2014, e toa-fa (4) le auaigaluega fou ua faaopoopo e aofia ai le Pule mo le Vaega o Resitalaga, le Konesale i le Tulafono, le Ofisa mo le Vaega Tau Maketi, o le Tali telefoni ma le Ofisa mo le Vaega o Resitalaga. O le Ofisa mo le Vaega o Resitalaga o se tasi o le toa-lua (2) mai le Lunivesite Aoao o Samoa (NUS) na galulue faa-masani i le SIFA ia Novema 2013, a o lei avea ma sui tumau o le auaigaluega a le SIFA ia Fepulai 2014.

E toa-valu (8) le auaigaluega na maua a latou faamanuiaga i le siitia o o latou tulaga i le Ofisa; e toa-lima (5) mai le Vaega o Resitalaga, ae toa-lua mai le Vaega o Tausi Tusi ma le Tausisia o le Aloaia/Vaavaiga, atoa ai ma le toa-tasi (1) i le Vaega Tau Maketi.

O lo o faaauau pea le ave e le SIFA o avanoa e lua (2) i ni isi mai le NUS e galulue faa-masani ai i le SIFA pe galulue faa-vai-taimi e fesoasoani i le vaitau-pisi o galuega fai a le Vaega o Resitalaga pe a faafou kamupani faa-va-o-Malo mai ia Novema seia oo ia Ianuali o le tausaga e sosoo ai.

4.3.2 Saililiga Faaopoopo Faaleaoaoga

O lo o unaia pea e le SIFA lana auaunaga ina ia saili avanoa e faaopoopo ai tomai ma le malamalama faa-le-aoaoga; e fesoasoani tele e siisii ai le tulaga o le auaunaga ma le tautua e ofo atu e le SIFA. E toa sefulu-lua (12) le auaunaga na maua avanoa e faaauau/faaopoopo ai tomai faaleaoaoga i le Lunivesite o le Pasefika (USP) ma le NUS i lenei tausaga faa-letupe 2013/2014.

4.4 Vaega Tau Maketi



Vaega o Maketi

E tele avega o le galuega a lenei vaega ae auga uma i le faalauiloa ma le faamalamalama auaunaga tau-tupe faa-va-o-Malo o lo o ofo atu e le SIFA. O tafa uma o galuega a lenei vaega o lo o aiaia ma faataoto i sini autu a le SIFA e tusa ai ma lana tulafono autu.

E iai le Fuafuaga mo galuega a le SIFA tau Maketi na tapena ma le fesoasoani mai a se konesale ma o le isi vaega tele o galuega a lenei vaega o le taumafai ina ia tino mai moomooga ma tapenaga o lo o i lea Fuafuaga. O se tasi o ia tapenaga e aofia ai le toe tusia o se tulafono mo mavaega tausii e sui ai le tulafono sa iai, na pasia i le 1998. O lea tulafono e mafai ai ona teu malu oa i fausaga e tuu-faatasia ai mavaega tausii ma kamupani ma mea faapena.

Na malaga foi sui o lenei vaega aua faalauiloa e ala i fonotaga e pei o le 'Offshore Summit' na faia i Hong Kong ia Oketopa 2013, faapea ma le fono a le STEP i Sigapoa na sosoo ai. O avanoa ia e faatalatalanoa ma faamatala ai Samoa ma ana auaunaga eseese o lo o mafai ona ofoina atu i le lalolagi.

O se matatia na faailogaina i le 2013 o le atoaga o le lua-seulu (20) tausaga talu ona iai le tasi o Kamupani Tausii Mavaeaga i Samoa – o le 'Offshore Incorporations (Samoa) Limited. I lea aso taua na

mafai ona auai mai faauluuluga o lea kamupani ma a latou paaga mai Saina ma Taiwan ina ia mafai ai ona molimauina lea faamoemoe, ma feiloai ai ma sui o le Malo o Samoa; asia ofisa o le SIFA; faatino ai semina eseese i le vaiaso atoa; atoa ma le samiga o le aso fanau a le O.I.L. i Samoa.

E taua tele taumafaiga a le SIFA ina ia siisii le aofai o e e faaoga ana auaunaga i Asia. Ona o lea ua faaopoopo ai i le aufaigaluega ni isi e mafai ona tautala faa-Saina.

O lo o faaauaufesoasoani tau tupe a le SIFA i faalapotopotoga eseese a lo tatou Atunuu. Ua tapena foi taiala e iloilo ai talosaga o lo o faatoai mai mo se fesoasoani tau tupe a le SIFA. O lo o faauau le fesoasoani a le SIFA i au fili a le Atunuu mo le Lakapi Tai toa-fitu, Lakapi liki ma le Netipolo.

O fesoasoani a le SIFA mo le atinaega o taaloga eseese, faapea fesoasoani mo faamoemoe a ni isi o faalapotopotoga tumaoti o lo o faia galuega lelei mo le Atunuu, e seasea maua tele ai se avanoa e faalauiloa ai le SIFA i fafo, a o le agaga fiafia o lo o faaauau ai aua o lo o mafai ona faasopoia ai lo tatou Atunuu i ni faamanuiaga ua maua mai pisinisi a le SIFA. O le auala lea e mautinoa e toe faamanuia mai ai le Atua i taumafaiga a le SIFA aua e sili le foai, i le talia. O lenei tausaga na mafai ona fesoasoani ai le SIFA i le falemai mo tamaiti i Matootua, e o lo o afaina lo latou soifua-maloloina faa-lemafaufau, le autalavou ae maise e ua aafia ona o soligatulafono.

5. Atinae

5.1 Aoaoga Tau Tomai Faapitoa & Fonotaga Faaleaoaoga

Ona o le siisii o tulaga ma aiaiga, ma fesuaiga i taiala e ao ona mulimulitai iai le faatinoga o auaunaga tau-tupe faa-va-o-Malo, e taua tele ai le faia pea o aoaoga ma le maua o avanoa e oo atu ai sui sinia o le Pulega ma le afaigaluega i fonotaga ma aoaoga e faamasani ai ma maua ai le tomai faaopoopo i ia suiga tetele ma le taua. O fonotaga ma aoaoga nei na mafai ona auai atu iai le afaigaluega i lenei tausaga faa-letupe 2013/2014.

Fonotaga Faaleaoaoga

- ⇒ Fonotaga a le 'Asia Pacific Group (APG) on Money Laundering' – Meleisia, Novema 2013
- ⇒ Ofisa o le Resitala o Kamupani – Aukilani, Niu Sila – Me 2014

Semina ma Fonotaga

- ⇒ Fonotaga a le 'Peer Review Group (PRG)' – Pale, Farani – Oketopa 2013
- ⇒ Fonotaga a le 'International Association of Insurance Supervisors (IAIS)', Taipei, Taiwan – Oketopa 2013
- ⇒ Fonotaga a le 'Offshore Summit', Shanghai, Saina; 'STEP Asia', Sigapoa – Novema 2013
- ⇒ Fonotaga a le 'Group of International Finance Centre Supervisors (GIFCS)', Panama – Novema 2013
- ⇒ Fonotaga a le PRG, Meleisia, Novema 2013
- ⇒ Fonotaga a le PRG (OECD), Malta – Mati 2014
- ⇒ Fonotaga a Ofisa o Resitara o Kamupani, Brazil – Mati 2014
- ⇒ Fonotaga 'Latin investors Summit', Panama – Mati 2014
- ⇒ Fonotaga a le GIFCS, Lonetona; Fonotaga a le 'Commonwealth and Francophonie Dialogue with the G20', Uosigitone D.C. – Aperila 2014
- ⇒ Fonotaga a le 'APAC Investment Summit', Meleisia; Semina Faalauiloa a le SIFA, Hong Kong ma Taiwan – Aperila 2014
- ⇒ Semina Faalauiloa a le SIFA, Beijing ma Shanghai – Me 2014
- ⇒ Fonotaga a le 'Group of International Insurance Centre Supervisors (GIICS), Lonetona – Me 2014

5.2 Resitalaga Faatekonolosi

O le isi laasaga na ausia e le mysifa.ws o le mafai lea ona faaaoga aua resitalaga i le itula tonu lava e resitala ai – na mafaia lea tulaga o le ‘go live’ ia Novema 2012. O lona uiga ua mafai ona faaaoga lea auaunaga mai so o se komepiuta e iai se sootaga i le initaneti (internet). I lea laasaga na faaopoopo iai ma isi pui puiga aua le saogalemu o paaga a le SIFA o le a faaaoga lea fesoasoani.

O nisi o tulaga vaaia o lea suiga o le mafai ai ona tausia faamaumauga auiliili o le talaaga o se kamupani ua faamauina i le ala faatekonolosi; faafaigofie ona to mai faamaumauga moomia; ma le faafaigofie o laasaga uma o le galuega. E le gata i lea o le vave ona faatino o le auaunaga faatasi ai ma le suegofie o faamaumauga e patino i se kamupani.

5.3 Kalapu a le Aufaigaluega

O le faamoemoe o le Kalapu ina ia fesoasoani ma faamalosiau i le aufaigaluega ina ia saili auala e faatupu ai le soifua maloloina ma le fiafia. O nisi o tapenaga a le kalapu mo lenei tausaga ua maea o le faia lea o Uokafoni ma isi suegatupe e maua ai le faasiliga i tupe maua a le kalapu ae maua ai foi avanoa e mafuta ai le aufaigaluega e ese mai mafutaga i le faatinoga o tiute ma galuega masani a le Ofisa. Sa faatau foi sanuisi a le kalapu; o le faamoemoe lava ia maopoopo ma mautu le fealoaloai o le aufaigaluega a le SIFA.

6. Faatinoga o Galuega Tau Tupe a le SIFA

Otootoga o Faamatalaga o Tupe ua Sueina Faasuetusi:


Tulaga tau tupe:

Na faamauina le siitaga pe a ma le 14.52 pasene i le atoaga o aseta mai le SAT48.35 miliona i le tausaga ua tuanai i le SAT55.37 miliona i lenei tausaga faa-letupe. O nei aseta e tele i le tupe ma tupe teufaafaigaluega faavaitaimi; pe a ma le 82 pasene o le atoaga o aseta.

Faatinoga Tau Tupe:

O le faatupu mo lenei tausaga e SAT17.00 miliona; o se siitaga lea pe a ma le 20.67 pasene pe a faatusa i le SAT14.09 miliona i le tausaga talu ai. O lea tulaga ua maua ona o le siitaga pe a ma le 11.69 pasene i tupe maua ma le pau pe a ma le 2.95 pasene i tupe faaalu pe a faatusa i le tausaga ua tuanai.

ATA 1: Faagasologa o Tupe Mama (Faatupu)



FAAMATALAGA TAU TUPE

Lipoti a Faatonu.....	30
Faamatalaga a le Pulega.....	31
Lipoti a le Suetusi Tutoatasi.....	33
Faamatalaga o le Tulaga Tau Tupe.....	34
Faamatalaga o Tupe Maua.....	35
Faamatalaga i Suiga o Oa Umia Totino.....	35
Faamatalaga o Tupe Faagasolo.....	36
Faamatalaga Fesoasoani o le Tulaga Tau Tupe.....	37

Pulega o Tupe Faa-va-o-Malo o Samoa
Lipoti a Faatonu
Mo le Tausaga Faa-le-Tupe pau mai i le Aso 30 Iuni 2014

E tuuina atu faatasi e le Vasega o Faatonu la latou Lipoti, faatasi ai ma Faamatalaga Tau Tupe a le 'Pulega o Tupe Faa-va-o-Malo a Samoa' ("SIFA") mo le tausaga faa-le-Tupe, pau mai i le Aso 30 Iuni 2014 e pei ona tapenaina e le Suetusi Tutoatasi, ina ia tusa ai ma le *Tulafono o Pulega o Tupe a le Malo 2001* ma le *Tulafono o Falapotopotoga a le Malo (Fatinoga o Galuega ma le Mafai ona Tali Atu) 2001* ma le *Tulafono o le Pulega o Tupe Faa-va-o-Malo a Samoa 2005* ("Tulafono a le SIFA").

Faatonu

O sui o le Fono Faatonu a le SIFA ina ua tapena lenei Lipoti e aofia ai:

Tuatagaloa Alfred Schwalger (Taitaifono)	Maiava Atalina Ainuu-Enari
Aumua Ming Leung Wai	Unasa Iulia Petelo
Tupa'imatuna Iulai Lavea	Reverend Misiafa Tyrell
	Leafa Donald Kerslake

O sui Faatonu fou na tofia i le aso 9 Iuni 2014 mo le tolu (3) tausaga.

Galuega Autu

O galuega autu a le SIFA o le mataitu lea o le solo lelei o le faatinoga o auaunaga tau-tupe faa-va-o-Malo i Samoa. E lei iai se suiga i lea nafa/matafaioi autu a le SIFA i lenei tausaga; e lei suia foi ituaiga auaunaga o lo o faagaoioi e le SIFA i lenei tausaga faa-le-Tupe.

Tulaga o lo o iai Galuega a le SIFA

I le finagalo o Sui Faatonu:

- (i) O Faamatalaga Tau Tupe, Faamatalaga i Suiga i Oa Umia Totino ma Faamatalaga o Tupe Faagasolo ua tapenaina o lo o atagia lelei ai le tulaga tonu o lo o taoto ai galuega ma le faagaoioiga o le SIFA pau mai le aso 30 Iuni 2014;
- (ii) O Faamatalaga o le Tulaga Tau Tupe foi ua tapenaina o lo o aumai ai se ata talafegai o le tulaga o lo o iai galuega a le SIFA pau mai i le aso 30 Iuni 2014.

Tini o Galuega a le SIFA

O le Faatupu mo lenei tausaga faa-le-Tupe e \$17,002,646 tala (2013: Faatupu \$14,090,606 tala).

Faaputugatupe Lautele

I lenei tausaga faa-le-Tupe na faamaonia ai e sui Faatonu le totogi o le seleni e \$10,000,000 (2013: \$10,000,000) mai le Faaputugatupe Lautele, i le Malo o Samoa mo le tausaga, pau mai le aso 30 Iuni 2014 e tusa ai ma le *Tulafono a le SIFA*.

Apia, Aso 28 Oketopa, 2014.

Sainia e tusa ai ma le Iugafono a Sui o le Fono Faatonu.



Majava Atalina Ainuu-Enari
Director

**Pulega o Tupe Faa-va-o-Malo o Samoa
Faamatalaga a le Pulega o le SIFA
Mo le Tausaga Faa-le-Tupe pau mai i le Aso 30 Iuni 2014**

O Faamatalaga Tau Tupe ua tapenaina, o le matafaioi lea a le Pulega o le SIFA(Pulega). Ua tapenaina e tusa ma Aiaiga Faa-va-o-Malo mo le tapenaina o Faamatalaga Tau Tupe ma e aofia ai aofaiaga ma faamaumauga na silasila totoa iai le Pulega.

Ua maea tapena ma faatulaga e le Pulega auala ma faiga-faavae ua tusitusia e limataitaina ai tulaga uma tau Tausi Tusi ma le vaaia lelei o Faamatalaga Tau Tupe. O nei faiga-faavae ma taiala e mafai ai ona faamoemoe ma talitonuina Faamatalaga Tau Tupe ua tapenaina; atoa ai ma le malu puipuia o aseta a le SIFA.

O le faatinoga o matafaioi e faatatau i Faamatalaga Tau Tupe a le Pulega e mataitu lea e le Fono Faatonu a le SIFA. Ua maea foi ona silasila le Fono Faatonu i Faamatalaga Tau Tupe ua tapenaina ma ua latou faamaonia, e tusa ai ma le fautuaga a le Pulega o le SIFA.

O Suetusi Tutoatasi (Betham & Co.), na tofia e le Suetusi Sili o le Malo Tutoatasi o Samoa na suesueina Faamatalaga Tau Tupe ua tapenaina. Ua tapenaina foi le Lipoti a le Suetusi Tutoatasi o lo o faamatala ai itu uma na oo iai la latou suesuega ma le iuga o lea suesuega.


Alosamoa Erna Vaai-Aiono
Chief Executive Officer


Cheshire Malua
ACEO Accounts and Compliance

Aso: 28 Oketopa 2014

Telephone: 27751
Fax: 24167
Email: info@audit.gov.ws
Website: www.audit.gov.ws



P.O. Box 13
APIA. SAMOA

Please address all correspondence to:
Controller and Chief Auditor

Audit Office

PULEGA O TUPE FAA-VA-O-MALO A SAMOA

Ua maea suesueina e lo matou Ofisa Famatalaga Tau Tupe a le SIFA ua tapenaina e aofia ai Faamatalaga i Suiga i Oa Umia Totino, Faamatalaga o Tupe Faagasolo, ma le Faamatalaga o le Tulaga Tau Tupe pau mai le aso 30 Iuni 2014. Na aofia ai i le faamatalaga fesoasoani e faamalamalama ai Faamatalaga Tau Tupe atoa ai ma faiga-faavae faa-Tausi-Tusi na faaoga. O le Ofisa Tausi-Tusi a Betham & Co, Chartered Accountants and Business Advisors, na fesoasoani i la matou suesuega.

Matafaioi a le Fono Faatonu

O le Fono Faatonu e nafa ma le tapenaina o Lipoti/Faamatalaga Tau Tupe e tusa ai ma tulaga taualoa faa-va-o-Malo. E aofia ai i lea tiute/matafaioi le tausisi ma taumafai ina ia le gata e atoatoa le tapenaga ae ia sa'o ma tonu. Ia faaoga foi faiga-faavae tau Tausi-Tusi talafeagai ma ia talafeagai foi fuataga ma faitauga.

Matafaioi a le Suetusi

O la matou tiute o le faia lea o se manatu e faatatau i le Faamatalaga Tau Tupe ua tapenaina e tusa ai ma la matou galuega faa-Suetusi ua maea faatino. Na faatino foi la matou suesuega e tusa ai ma moomiaga taualoa faa-va-o-Malo mo le faatinoga o galuega faa-Suetusi. E tusa ai ma ia moomiaga taualoa e ao ona matou saili ina ia faamautu i le mafai e gata mai ai, o lo sa'o atoatoa Faamatalaga Tau Tupe.

O suesuega faa-Suetusi e iai auala e faagasolo ai ina ia mafai ona ao mau ma faamaumauga e faamaonia ai le sa'o ma le atoatoa o le Faamatalaga Tau Tupe. O ia auala e faaoga e fua e le Suetusi; i lana silasila i le Lipoti ma Faamatalaga Tau Tupe, ona fetuunai lea ia faaoga auala e aupito talafeagai ma le sini ia mafai ona suesue ma faamautu lelei Faamatalaga ma faamaumauga Tau Tupe ua tapenaina ma o lo suesueina. O le fetuunaiga a le Suetusi e faia ina ia fetui le fua o lo o faaoga ma le siomaga po o galuega a le Ofisa o lo suesueina ae le o se auala ina ia ave ai se manatu o le Suetusi e faatatau i alafua ma metotia a le Ofisa lava ia. E suesue foi e le Suetusi le tulaga o le talafeagai o faiga-faavae faa-Tausi Tusi o lo o faaoga ma fuataga po o fuafaatatau o lo o faaoga/faia e le Fono a Faatonu; faapea foi ma le vaai lautele i le tapenaga o le Lipoti Faale-Tupe i lona tulaga aoao.

Matou te talitonu o faamaumauga ma faamatalaga uma ua matou maua ma ua tapenaina, ua mafai ai ona faia sa matou faaiuga po o so matou manatu faa-Suetusi.

Faaiuga a le Suetusi

I lo matou manatu, o le Lipoti Faa-le- Tupe a le SIFA o lo o tusa ai ma le *Tulafono o le Pulega o Tupe Faa-va-o-Malo a Samoa*. :

1. O lo o aumai ai se ata tonu o le tulaga tau tupe ma le faagasologa o tupe ma le faatinoga o galuega ma faamaumauga tau-tupe a le Pulega o Tupe Faa-va-o-Malo a Samoa pau mai le aso 30 Iuni 2014; ma
2. O lo o ogatasi ma usitaia aiaiga taualoa faa-va-o-Malo mo le Lipoti o Faamaumauga ma Faamatalaga Tau Tupe.

Isi Mataupu

O le Lipoti/Faamatalaga Tau Tupe a le SIFA mo le tausaga pau mai le aso 30 Iuni 2013, na suesueina e se isi Suetusi ma o lena Suetusi na faia foi lana Faaiuga Faa-Suetusi i na Faamatalaga Tau Tupe i le aso 19 Tesema 2013.

O la matou suesuega faa-Suetusi na faamaeaina i le aso 28 Oketopa 2014, ma na faia ai foi ma la matou faaiuga.

Apia, Samoa
31 Oketopa 2014

Fuaimaono Papali'i C.G. Afele
SUETUSI SILI

Lipoti a le Suetusi Tutoatasi

Mo le Suetusi Sili

E faatatau i le Pulega o Tupe Faa-va-o-Malo a Samoa

Ua maea suesueina e lo matou Ofisa Famatalaga Tau Tupe a le SIFA ua tapenaina e aofia ai Faamatalaga i Suiga i Oa Umia Totino, Faamatalaga o Tupe Faagasolo, ma le Faamatalaga o le Tulaga Tau Tupe pau mai le aso 30 Iuni 2014. Na aofia ai foi ma faamatalaga fesoasoani e faamalamalama ai Faamatalaga Tau Tupe atoa ai ma faiga-faavae faa-Tausi-Tusi na faaoga.

Matafaioi a le Fono Faatonu

O le Fono Faatonu e nafa ma le tapenaina o Lipoti/Faamatalaga Tau Tupe e tusa ai ma tulaga taualoa faa-va-o-Malo. E aofia ai i lea tiute/matafaioi le tausisi ma taumafai ina ia le gata e atoatoa le tapenaga ae ia sa'o ma tonu. Ia faaoga foi faiga-faavae tau Tausi-Tusi talafeagai ma ia talafeagai foi fuaataga ma faitauga.

Matafaioi a le Suetusi

O la matou tiute o le faia lea o se manatu e faatatau i le Faamatalaga Tau Tupe ua tapenaina e tusa ai ma la matou galuega faa-Suetusi ua maea faatino. Na faatino foi la matou suesuega e tusa ai ma moomiaga taualoa faa-va-o-Malo mo le faatinoga o galuega faa-Suetusi. E tusa ai ma ia moomiaga taualoa e ao ona matou saili ina ia faamautu i le mafai e gata mai ai, o lo o sa'o atoatoa Faamatalaga Tau Tupe.

O suesuega faa-Suetusi e iai auala e faagasolo ai ina ia mafai ona ao mau ma faamaumauga e faamaonia ai le sa'o ma le atoatoa o le Faamatalaga Tau Tupe. O ia auala e faaoga e fua e le Suetusi; i lana silasila i le Lipoti ma Faamatalaga Tau Tupe, ona fetuunai lea ia faaoga auala e aupito talafeagai ma le sini ia mafai ona suesue ma faamautu lelei Faamatalaga ma faamaumauga Tau Tupe ua tapenaina ma o lo o suesueina. O le fetuunaiga a le Suetusi e faia ina ia fetai le fua o lo o faaoga ma le siomaga po o galuega a le Ofisa o lo o suesueina ae le o se auala ina ia ave ai se manatu o le Suetusi e faatatau i alafua ma metotia a le Ofisa lava ia. E suesue foi e le Suetusi le tulaga o le talafeagai o faiga-faavae faa-Tausi Tusi o lo o faaoga ma fuaataga po o fuafaatatau o lo o faaoga/faia e le Fono a Faatonu; faapea foi ma le vaai lautele i le tapenaga o le Lipoti Faale-Tupe i lona tulaga aoao.

Matou te talitonu o faamaumauga ma faamatalaga uma ua matou maua ma ua tapenaina, ua mafai ai ona faia sa matou faaiuga po o so matou manatu faa-Suetusi.

Faiuga a le Suetusi

I lo matou manatu, o le Lipoti Faa-le-Tupe a le SIFA o lo o tusa ai ma le *Tulafono o le Pulega o Tupe Faa-va-o-Malo a Samoa*. :

1. O lo o aumai ai se ata tonu o le tulaga tau tupe ma le faagasologa o tupe ma le faatinoga o galuega ma faamaumauga tau-tupe a le Pulega o Tupe Faa-va-o-Malo a Samoa pau mai le aso 30 Iuni 2014; ma
2. O lo o ogatasi ma usitaia aiaiga taualoa faa-va-o-Malo mo le Lipoti o Faamaumauga ma Faamatalaga Tau Tupe.

Isi Mataupu

O le Lipoti/Faamatalaga Tau Tupe a le SIFA mo le tausaga pau mai le aso 30 Iuni 2013, na suesueina e se isi Suetusi ma o lena Suetusi na faia foi lana Faiuga Faa-Suetusi i na Faamatalaga Tau Tupe i le aso 19 Tesema 2013.

Betham & Co
Tausi-Tusi Faamaonia
Apia 28 Oketopa 2014

BETHAM & CO.




A member of AGN International Ltd., a worldwide association of separate and independent accounting and consulting firms
Betham & Co. House, Vaitele Street, Lalovaea, Samoa. P.O. Box 859, Apia, Samoa. T: +(685) 24337, F: +(685) 24336.
www.bethamco.com www.agn.org

**PULEGA O TUPE FAAVA O MALO A SAMOA
FAAMATALAGA O LE TULAGA TAU TUPE
I LE ASO 30 IUNI 2014**

	Faamatalaga	2014 SAT\$	2013 SAT\$
ASETA			
Aseta e lē mo le taimi nei			
Meatotino, masini ma meafaigaluega	3	6,939,347	6,990,217
Tupe maua mai ma tupe sa vave totogi	4	1,485,749	1,637,061
Tupe teufaafaigaluega	5	1,450,000	3,430,000
		9,875,096	12,057,278
Aseta i le taimi nei			
Tinoitupe ma Oa Umia Totino i tinoitupe	7	42,343,924	35,476,499
Tupe teufaafaigaluega	6	2,000,000	-
Tupe maua mai ma tupe sa vave totogi	5	1,158,920	822,032
		45,502,844	36,298,531
AOFAIGA O ASETA		55,377,940	48,355,809
OA UMIA TOTINO & OA UMIA FAAITALAFU			
Oa Umia Totino			
Faaputugatupe Lautele		54,687,656	47,685,010
Aofaiga o Oa Umia Totino		54,687,656	47,685,010
Oa Umia Faaitalafu			
Aofai e tatau ona totogi ae lei totogia	8	615,699	551,232
Aofai Faaagaaga	9	74,585	119,567
Aofaiga o Oa Umia Faaitalafu		690,284	670,799
Aofaiga Atoa o Oa Umia Totino ma Oa Umia Faaitalafu		55,377,940	48,355,809

O faamatalaga faaopoopo e avea ma vaega taua o leni faamatalaga o le tulaga tau tupe.

I le avea ai o se sui auai o le komiti faatino ma e tusa ai o le iugafono a le Komiti Faatino sa faia i le aso 28 Oketopa 2014.


.....
Director


.....
Director

**PULEGA O TUPE FAAVA O MALO A SAMOA
FAAMATALAGA O TUPE MAUA
MO LE TAUSAGA FAAIUINA I LE ASO 30 IUNI 2014**

	Faamatalaga	2014 SAT\$	2013 SAT\$
TUPE MAUA			
Totogifuapauina o le Tuufaatasia ma Totogi Faaletausaga		21,622,773	19,654,364
Totogifuapauina o Laisene		289,308	358,224
Isi Tupe Maua		899,396	929,236
Tupe Maua mai Tului		2,425,424	1,619,142
Tupe maua mai le fesuaiga o tupe		130,590	149,423
		25,367,491	22,710,389

TUPE ALU

Totogifuapauina o le sueina o tusi		15,000	6,210
Tau ua soloia o atinae tau fale	4	-	400,063
Faaitiitiga i tau	4	283,058	285,831
Totogifuapauina o faatonu		16,339	47,672
Fesootaiga		71,341	75,659
Alauni o le Pulega		160,823	157,739
Lomiga ma pepa		153,782	158,062
Faalauiloa	10	4,785,873	4,750,492
Tau o le nofoia/faaaogāina o fale		467,766	460,783
Totogi o le Aufaigaluega		1,493,110	1,347,665
Tupe toesea ina ua faamaape meatotino		5,218	2,956
Isi tupe alu		912,535	926,651
		8,364,845	8,619,783

Tupe Mama(Faatupu) mo le Tausaga		17,002,646	14,090,606
---	--	-------------------	-------------------

**FAAMATALAGA I SUIGA I OA UMIA TOTINO
MO LE TAUSAGA FAAIUINA I LE ASO 30 IUNI 2014**

	2014 SAT\$	2013 SAT\$
Paleni i le Faaputugatupe Lautele i le amataga o le tausaga	47,685,010	43,594,404
Faaopoopo tupe mama faaiu mo le tausaga	17,002,646	14,090,606
Toese tupe totogi i le Malo o Samoa	(10,000,000)	(10,000,000)
Paleni i le Faaputugatupe Lautele i le faaiuga o le tausaga	54,687,656	47,685,010

O faamatalaga faaopoopo e avea ma vaega taua o lenei faamatalaga o le tulaga tau tupe.

**PULEGA O TUPE FAAVA O MALO A SAMOA
FAAMATALAGA O TUPE FAAGASOLO
MO LE TAUSAGA FAAIUINA I LE ASO 30 IUNI 2014**

	Faamatalaga	2014 SAT\$	2013 SAT\$
TUPE FAAGASOLO MAI/(I) GALUEGA			
Totogifuapauina ma tupe maua o laisene		22,500,786	20,571,824
Tinoitupe totogi i tagata faigaluega		(1,590,800)	(1,445,394)
Tinoitupe totogi mo lisi ma tausiga o fale		(286,928)	(326,264)
Tinoitupe totogi mo faalauiloa		(4,179,635)	(3,359,400)
Tinoitupe totogi mo isi tupe alu		(1,905,086)	(2,135,618)
Tupe mama mai tupe teu vave teuina		20,862	(73,092)
Tupe mama faagasolo mai galuega fai		14,559,201	13,232,056
TUPE FAAGASOLO MAI/(I) GAOIOIGA O TUPE TEUFAAFAIGALUEGA			
Tului maua		2,209,379	1,463,644
Faatauina o aseta tumau		(237,435)	(100,557)
Tupe teufaafaigaluega i le UTOS		-	(2,000,000)
Faamanuiaga ma le tului maua mai i le tupe teufaafaigaluega i le UTOS		205,000	125,000
Tupe mama maua mai / ua alu i teugatupe teufaafaigaluega.		2,176,944	(511,913)
TUPE FAAGASOLO (I) GAOIOIGA TAU TUPE			
Tupe totogi i le Malo o Samoa		(10,000,000)	(10,000,000)
Tupe mama faagasolo (i) e ala i galuega tau tupe		(10,000,000)	(10,000,000)
Faateleina/(faaitiitia) i tinoitupe		6,736,145	2,720,143
Tinoitupe ma faatusatusaga o tupe i le amataga o le tausaga		35,476,499	32,606,933
Faaopopo: Aafiaga o Fesuaiga i Fuafaataata e Faaliliu ai Tupe		131,280	149,423
TINOITUPE MA FAATUSATUSAGA O TUPE I LE FAAIUGA O LE TAUSAGA	7	42,343,924	35,476,499

O faamatalaga faaopopo e avea ma vaega taua o lenei faamatalaga o le tulaga tau tupe.

**PULEGA O TUPE FAAVA O MALO A SAMOA
FAAMATALAGA I TALA O LE TUPE
MO LE TAUSAGA FAAIUINA I LE ASO 30 IUNI 2014**

1. FAAMATALAGA LAUTELE

Ua faavaeina le Pulega o Tupe Faava o Malo a Samoa i lalo o le *Tulafono o le Pulega o Tupe Faava o Malo a Samoa 2005*. O le tuatusi o lona ofisa tutotonu ma le nofoaga autu o ana galuega o lo o i le fogafale 6 o le fale o le Faletupe o Atinae a Samoa. Ua faafoeina ma vaaia e le SIFA le faamauina o kamupani, mavaega ma le laiseneina o faletupe, o kamupani inisiua ma kamupani tausī mavaega i lalo o isi tulafono o auaunaga tau tupe faava o malo.

2. OTOOTOGA O FAIGA FAAVAE TĀUA O FAAMATALAGA TAU TUPE

(a) Faavae o le faamatalaga

Ua saunia faamatalaga tau tupe e tusa ai ma Tulaga Faataatitia Faava o Malo o Lipoti Tau Tupe (IFRS) e pei ona faaaogāina e le Komiti Faatino o Tulaga Faataatitia Faava o Malo o Faamatalaga Tau Tupe (IASB) ma Tulafono a Samoa, aemaise ai le *Tulafono o le Pulega o Tupe Faava o Malo a Samoa 2005*.

Ua uma ona saunia faamatalaga tau tupe i luga o le faavae o uluai tau, ua fetuunai e ala i le toe fuafuaina o tau o nisi aseta ma noataga e pei ona faatulaga atu i lalo.

Ua faatulaga atu i lalo se oototoga o faiga faavae tāua o faamatalaga tau tupe ua faaaogāina e le SIFA ma aemaise lava le faiga faavae o faamatalaga tau tupe ua faaaogāina pe afai o lo o i ai se filifiliga e faia i le va o le lua po o le sili atu o faiga faavae e ono mafai ona taliaina.

Ua faaalā manino atu aofaiga uma i tupe Tala Samoa.

(e) Aofaiga faatusatusa

Ina ia mautinoa ai ua ogatasi ma le tausaga nei, o lo o toe faailoa atu ai fuainumera faatusatusa pe afai e talafeagai ai. O nisi suiga na faia ua mafai ona faailoaina atu i totonu o Faamatalaga Tau Tupe.

(i) Faaliliuina o tupe mai fafo

Ua faaliliuina i Tala le faagaoioiga o tupe a isi atunuu i fua faatatau aloaia o faatonutonu ai i lea taimi na faia ai le feafaatauaiga/gaoioiga faapisinisi. Ua maea ona faaliliuina aseta ma oa umia faaaitalafu i tupe a isi atunuu i le faaiuga o le tausaga i fua faatatau aloaia i lena aso. O lo o faaalā i le faamatalaga o tupe maua le eseese o le faaliliuga o tupe.

(o) Meatotino, masini ma meafaigaluega

Ua i ai le faaititiga i le aofai o meatotino, masini ma meafaigaluega ina ia soloia ai aseta i luga o le umi o lo latou aogā talafeagai. O le auala, o le laina faasao o le faaititiga o tau sa faaaogāina. O le tuufaavasegāina autu o meatotino, masini ma meafaigaluega ma le umi o lo latou aogā talafeagai taitasi e faapea:

Meafale ma Totoga	10 tausaga
Meafaigaluega o le Ofisa	5 tausaga
Taavale	5 tausaga
Faaleleia o lisi umia	10 tausaga
Fanua umia saoloto	e le o faaitiitia le tau

(u) Tino i Tupe (Cash)

O tino i tupe, e aofia ai tino i tupe o lo o iai i paleni, tupe o lo o i le faletupe, teugatupe faavaitaimi e le tele se ono aafia pe suia tau/taua pe a tala i tua.

(f) Tupe maua o aseta faaleagaina

Ua iloiloaina e le pulega i aso taitasi e faapaleni ai ana tupe, po o i ai se faamatalaga molimau e mautinoa ai ua faaleagaina so o se aseta ma ua faia ni gaoioiga talafeagai e soloia ai so o se tupe pau o aseta faaleagaina e pei ona iloiloaina.

(g) Aloaia o tupe maua

E le aloaia o se tupe maua pe afai e tele le avanoa e ono le maua ai se tupe e ao ona totogi mai pe toe faaola mai; atoa ai ma le tupe e ono moomia e faaalu ia maua mai ai ia tupe.

O tupe maua a le SIFA e maua mai totogi o le resitalaga o kamupani faa-va-o-Malo, po o le toe faafou o resitalaga o ia kamupani, atoa ai ma le tau o laisene fou ma toe-faafou. O le tupe maua mai le faatinoga o ia auaunaga e faamau ma aloaia i le vaitau faa-tausi tusi na faatino ai le resitalaga po o le laisenega ma maua ai tau mo ia auaunaga. O totogi e maua ae lei oo i le aso e totogi ai e le faamau/aloaia i le vaitau e faaoo mai ai, ae faatoa faamau/aloaia pe a oo i le vaiaso e ao ai ona totogi.

(l) Faamanuiaga e agavaa iai tagata faigaluega

O tupe ua faaagaaga mo faamanuiaga e agavaa iai tagata faigaluega i aso malolo faaletausaga ma aso malolo o auaunaga ua umi ua faaputupu i se fua faatatau o totogi o iai nei e tusa ai o auaunaga a tagata faigaluega e oo atu i le aso e faapaleni ai tupe.

(m) Lafoga

I lalo o le fuaiupu 23 o le *Tulafono o le Pulega o Tupe Faava o Malo a Samoa 2005* e le faia ai ni Lafoga i tupe maua a le SIFA.

(n) Tupe maua mai le Faasili (Interest)

O lea ituaiga tupe maua e faavasega i se auala e tau o le “effective interest method”. A faaletonu se nonogatupe po o tupe e tatau ona totogi mai, ona faaitiitia lea o le tupe o lo o ao ona totogi mai i le aofai o lo o mafai ona maua mai. O le tupe e mafai ona maua mai o le aofai lea o le fua o le tupe na faapea e maua mai i le lumanai, ae toese mai ai le faasili o le nonogatupe po o le tupe e tatau ona totogi mai pe a faaoga le uluai fuafaatatau o le faasili mo lea nonogatupe po o le tupe e tatau ona totogi mai. O lea ituaiga tupe maua i se nonogatupe ua faaletonu po o se tupe e tatau ona totogi mai ae lei totogia, e faavasega/fua i le fuafaatatau o le faasili na muai faaoga.

(p) Aseta Tau-Tupe

E faavasega e le SIFA nonogatupe ma tupe e tatau ona totogi mai, o aseta tau-tupe ma e faamau i o se vaega o faatupu ma le maumau. O lenei faavasegaga e fua i le mafuaaga/auala na maua ai lea aseta tau-tupe. O le faavasegaga o aseta tau-tupe e faatino e le SIFA ina ua faatoa toai/maua le aseta tau-tupe.

O tupe toe maua mai e aofia ai tupe e faaune atu i le aufaigaluega, o aseta tau tupe e le faaopoopoina ni tau faatasi ai ma totogi ua tumau lo latou faatulagaina po o le fuafuaina e faapea e le o taua i totonu o maketi o lo o faagaioia. O ia aseta o lo o aofia i aseta o lo o iai i le taimi nei; a e le aofia ai aseta tau-tupe e faatoa matua i le maea ai o le sefulu-lua (12) masina talu ona maea le vaiatau o lo o faataau iai le lipoti/faamatalaga tau tupe. O na aseta e taua o aseta tau-tupe ae le o aofia i aseta o le taimi nei. O ituaiga aseta ia e aofia ai teugatupe i faletupe faapisinisi, teugatupe faa-vataimi, ma tupe e tatau ona totogi mai a e lei totogi maia.

O nonogatupe, ma tupe e tatau ona totogi mai, e aofia ai nonogatupe a le aufaigaluega, e faavasega ma faaititia i se auala e tau o le “effective interest method”.

O aseta tau-tupe i le tau talafeagai o aseta tau-tupe ia o lo o taofia mo fefaatauaiga ma e muai faavasega i le tau talafeagai ae faamau i lalo o tupe-alu le tau o le fefaatauaiga; mulimuli ane ona toe faamau/tauave lea i lo latou tau talafeagai. O aseta tau-tupe o lea ituaiga faavasegaga e faamau o aseta o lo o iai i le taimi nei pe afai e faamautu i totonu o le sefulu-lua (12) masina. A leai, ona faamau lea o aseta tau-tupe a e le o iai i le taimi nei.

O le faatupu po o le maumau e afua mai le fesuiaiga o le tau talafeagai o aseta tau-tupe. I lea faavasegaga e faamau i lalo o le ulutala ‘Isi faatupu po o maumau’ i le vaiatau e tupu ai. O tupe maua mai le teufaafaigaluega o aseta tau-tupe o lo o faamau i faamatalaga tau-tupe o se tupe-maua pe a faamautu le aia a le SIFA e tapa ai le totogi mai o sea tupe.

(s) Lisi

O totogi o lo o faagaioia ai le lisi o lo o aofia ai i le fuafuaina o le faasiliga o tupe e maua i totogi faavaitaimi tutusa o le lisi pe afai e tausia e le tagata e ona le lisi i le tulaga aupito sili ona lelei tulaga lamatia uma ma faamanuiaga o meataitasi o le lisi i le tulaga o ia e ona.

3. Faamatalaga Faaopoopo i Auala po o Metotia o lo o faia ai Fuataga ma Faaigu

3.1 Faavae Taua tau Tausi-Tusi

E tapena e le SIFA ni fuafuaga mo le lumanai. Ae ona o lo o taumate i le ete, e seasea tutusa lelei ni fuafuaga o mea e ono tutupu i le lumanai ma mea e iu ina tutupu. O nisi vaega o lo o taua i lalo, o itu ia e maualuga le avanoa e ono eseese ai fuafuaga ma mea e tutupu.

(a) Tupe Faaagaaga – o aitalafu faaletonu ma faamanuiaga mo tagata faigaluega

A tapena tala o le tupe e taumafai lava ina ia lava le faasoia mo tulaga eseese e mafai ona iloa e tutupu pe tele le avanoa e ono tutupu ai. A e le aveesea ai le tulaga e iai fesuiaiga e ono tulai mai i le maketi ma fefaatauaiga. E taumafai foi e fuafua le faasoia i tulaga tau aitalafu e faaletonu ae o le moni, e faatoa iloa tonu poo o gatasi le futia ma le umele ina ua faapaleni tusi a le SIFA.

(e) *Faaitiitia o le tau Oa/Aseta*

A maua/faatau se aseta a le SIFA ona fua lea e le SIFA pe mata o le a le umi o le a aoga ai lea aseta/oa. E fua lea umi i le ituaiga aseta, ma le umi foi na aoga ai lena aseta i vai tau ua mavae. Afai e lei maua/faatau muamua lea ituaiga aseta e le SIFA ona silasila lea i le umi o le aoga o ia aseta/oa e pei ona masani ai.

O tausaga uma e silasila ai le SIFA i aseta/oa a le SIFA po ua faaitiitia le aoga/tau. E fetuunai foi faiga-faavae o ia iloiloga ma afai ua tele se faaleaogaina o le oa/aseta ona faamau lea i faamatalaga tau-tupe o se gaoioiga faatonutonu/faasa'o; e tapena foi isi faamatalaga faamanino e moomia e faailoa ai lea tulaga.

3.2 Itu taua i Faaiuga-fai pe a faaoga i faiga-faavae tau Tausi-Tusi

Pe a faaoga faiga-faavae tau Tausi-Tusi, e le o iai i le SIFA se iloa o ni itu e ono lamatia ai le aofai o aseta/oa ma aitalafu/tupe e tataua ona totogi e le SIFA i le tausaga faa-le-Tupe o lumanai.

4. MEATOTINO, MASINI MA MEAFAIGALUEGA

2014

Tau	30-luni-13	Faapoopoga	Faamatuu atu	30-luni-14
Fanua	6,414,655	-	-	6,414,655
Meafale ma Totoga	426,711	25,425	(3,740)	448,396
Meafaigaluega a le Ofisa	1,175,380	212,010	(42,236)	1,345,154
Taavale afi	253,000	-	-	253,000
Faaleleia o lisi	156,363	-	-	156,363
	8,426,109	237,435	237,435	8,617,568

Tau faaitiitia faaputupu	30-luni-13	Faaititiga	Faamatuu atu	30-luni-14
Meafale ma Totoga	310,532	38,994	(3,031)	346,495
Meafaigaluega a le Ofisa	835,915	177,827	(37,697)	976,045
Taavale afi	195,628	50,600	-	246,228
Faaleleia o lisi	93,817	15,636	-	109,453
	1,435,892	283,058	(40,728)	1,678,221

Tau aoga o meatotino i lea vai taimi faaletupe	6,990,217			6,939,347
---	------------------	--	--	------------------

2013

Tau	30-luni-12	Faapoopoga	Faamatuu atu	30-luni-13
Fanua	6,414,655	-	-	6,414,655
Fale – Galuega o Faagasolo	400,063	-	(400,063)	-
Meafale ma Totoga	413,416	17,636	(4,341)	426,711
Meafaigaluega a le Ofisa	1,127,839	82,919	(35,378)	1,175,380
Taavale afi	253,000	-	-	253,000
Faaleleia o lisi	156,363	-	-	156,363
	8,765,336	100,555	(439,782)	8,426,109

Tau faaitiitia faaputupu	30-luni-12	Faaititiga	Faamatu atu	30-luni-13
Meafale ma Totoga	275,592	38,255	(3,313.86)	210,532
Meafaigaluega a le Ofisa	687,803	182,045	(33,933)	835,915
Taavale afi	145,028	50,600	-	195,628
Faaleleia o lisi	78,181	15,636	-	93,817
	1,186,604	285,832	(36,543)	1,435,892

Tau aogā o meatotino i lea vaitaimi faaletupe	7,578,732			6,990,217
--	-----------	--	--	-----------

Na faaleaogaina tau o galuega faagasolo sa faia mo fausia o Fale a le SIFA, e \$400,063 Tala Samoa, i se iugafono a le Fono Faatonu i sana fonotaga faapitoa na faia ia Tesema 2013. Ua faataatia ese nei lea galuega e le toe faaauaua. O isi tupe alu mo lea galuega na tau amata na faaalu i le 2012.

2014 **2013**

**5. TUPE MAUA MAI MA TUPE SA TOTOGI
MUAMUA AE LE I OO I LE
TAIMI E FAAOGĀ AI**

Tupe e le o i ai i le taimi nei

Faamalumluga - o nogatupe a tagata faigaluega	1,485,749	1,637,061
	1,485,749	1,637,061

Tupe o i ai i le taimi nei

Faamalumluga - o nogatupe a tagata faigaluega	241,977	244,921
Toese tupe faaagaaga mo nogatupe e lē mautinoa e totogi	-	-
	241,977	244,921
Tului maua mai	601,265	385,035
Tupe alu totogi muamua	315,679	192,076
	1,158,920	822,032

O nogatupe a tagata faigaluega e maua ai tului o lo o faamalumuina i aseta moni a le tagata faigaluega ma e masani lava mo vaitaimi e amata mai i le 2 e oo atu i le 20 tausaga.

O nei nogatupe ua faamoemoe e matua e faapea:

Ia lē itiiti ifo na i le 12 masina	10,004	244,921
Ia itiiti ifo i le 1 tausaga ae lē silia le 5 tausaga	255,818	311,005
Ia itiiti ifo i le 5 tausaga	1,461,903	1,326,056
	1,727,726	1,881,982

6. TUPE TEUFAAFAIGALUEGA

	2014	2013
Tupe teufaafaigaluega i le UTOS i le tau talafeagai i le amataga	1,430,000	1,190,000
Faaopoopo: feuiaga i tau aogā talafeagai i le aso e faapaleni ai tupe	20,000	240,000
Tupe teufaafaigaluega i le UTOS i le tau talafeagai i le faaiuga	1,450,000	1,430,000
Le isi Tupe teufaafaigaluega i le UTOS	2,000,000	2,000,000
	3,450,000	3,430,000

Sa faatauina mai e le SIFA iunite e tusa lona tau ma le \$1,000,000 mai le UTOS i le \$1 i le iunite ia Aperila 2011. O le tau/aogā o iunite a le UTOS e \$1.43 i le iunite e tasi i le aso 30 Iuni 2013 ma le \$1.45 i le iunite i le aso 30 Iuni 2014.

Ia Tesema 2012, na teu faafaigaluega ai e le SIFA le \$2,000,000 i le UTOS i le faasili (interest) e ono (6) pasene i le tausaga mo le lua (2) tausaga.

7. TINOITUPE MA FAATUSATUSAGA O AOFAI O TINOITUPE

	2014	2013
Tinoitupe ma paleni i faletupe	2,796,251	1,404,102
Teugatupe tumau faavaitaimi	39,547,673	34,072,397
	42,343,924	35,476,499

E lē telē tele tinoitupe o i ai i le taimi nei ma o lo o teuina paleni o tupe i faletupe faapisinisi a le atunuu. O lo o teuina foi teugatupe tumau faavaitaimi i faletupe faapisinisi a le atunuu i vaiitaimi mai le tolu (3) e oo atu i le sefululua (12) masina i fua faatatau o faasili (interest) i le va o le 4.25% ma le 6.5% i le tausaga.

8. TUPE TOTOGI MA TUPE FAAPUTUPUTU

	2014	2013
Tupe teu a tagata faatau	466,480	445,618
Lafoga e lei totogia i le Matagaluega o Tupe Maua (MOR)	-	1,254
Aofai e mafai ona totogi ma faatupulaia	149,220	104,360
	615,699	551,232

O tupe teu a kamupani tausī mavaega e totogi ai le resitalaga po o le faafouga o le resitala o kamupani faa-va-o-Malo pe a moomia.

9. TUPE FAAAGAAGA

	2014	2013
Aso malolo faaletausaga	61,586	64,033
Tupe o le faamalolo litaea o sui auai o le Komiti Faatonu	13,000	55,534
	74,585	119,567

Faagaoioiga o tupe faaagaaga:	Aso malolo faaletausaga	Aso malolo faaletausaga
Paleni i le amataga o le tausaga	64,033	62,892
Totogi atu a o faagasolo le tausaga	-	-
Faaogāina a o faagasolo le tausaga	(17,961)	(19,928)
Faaopoopoga o tau ua faaee atu i tupe maua	15,514	21,069
	61,586	64,033

	Sui o le Komiti Faatino pe a faamalolo litaea	Sui o le Komiti Faatino pe a faamalolo litaea
Paleni i le amataga o le tausaga	55,534	25,358
Totogi atu a o faagasolo le tausaga	(42,535)	-
Faaopoopoga o tau faaee atu i tupe faaagaaga	-	30,176
	13,000	55,534

10. FAALAUILOAINA

	2014	2013
Faalauiloaina – ma isi	4,221,397	3,997,029
Aoaoga ma Fonotaga	451,819	650,783
Sui auai	112,656	102,680
	4,785,873	4,750,492

O Faalauiloa e aofia ai le fesoasoani tau-tupe o lo o ave i au fili a le Atunuu faapea semina ma faalauiloa e faia mo le SIFA i atunuu i fafo.

11. NOATAGA O TUPE FAAVAE (OA FAU OA)

	2014	2013
Noataga i le Malo o Samoa	10,000,000	10,000,000

O le saofaga e \$10,000,000 na tuuina atu i le Malo mo le tausaga faaletupe 2013/2014 i lalo o le fuaiupu 18 o le *Tulafono o le Pulega o Tupe Faava o Malo a Samoa 2005*. Sa totogiina lenei saofaga a o faagasolo le tausaga.

12. AITALAFU E LE I FUAFUAINA

I le taimi nei o lo o i le Faamasinoga Mauuluga a Samoa se mataupu o lo o aafia ai le SIFA. E lei maea ona taulumaga ma e faotoa iloa se tupe e ono moomia ona totogi pe faaalu i lea mataupu, pe a maea. E le o iai se aitalafu e lei fuafuaina i le aso na faia ai lenei suesuega: (2012/2013: selo).

13. NOATAGA O LISI

O lo o lisiina e le Pulega o Tupe Faava o Malo a Samoa se avanoa mo lona Ofisa i le Faletupe o Atinae o Samoa i se totogi faalisi i masina taitasi e SAT 18,128.03 mo le vaiatai muamua e lima (5) tausaga faatasi ai ma se filifiliga e faafou i le maea ai o lea aso. O lo o aofia ai le lisiina o le Fogafale 3, 6 ma tulaga e tu ai taavavle.

O le faagaioiga o le totogiina o lisi e faapea:	2014	2013
Ia lē silia atu i le 1 tausaga	217,536	264,651
Ia sili atu i le 1 tausaga ae lē silia le 5 tausaga	-	-
E sili atu i le 5 tausaga	-	-
	217,536	264,651

14. FAAILOAINA ATU O TAGATA FAIGALUEGA AUTU TAU PULEGA

Tau o tagata faigaluega autu tau pulega:

	2014	2013
Totogi e aofia ai alauni	682,329	621,510
Totogifuapauina ma alauni o Faatonu	16,339	47,672

O tau o tagata faigaluega autu tau pulega e fuafua e le Kapeneta ma le Fono Faatonu. O tagata faigaluega autu tau pulega e aofia ai le Pule Sili, Pule Sili Lagolago (2), Pule o Mataupu Tau Maketi, Faafoga ma le Tausiga o Tusi faapea le Vaega o Tulafono.

15. PEPA FAAMAONIA O TALA O TUPE

(a) Tulaga Lamatia o Aitalafu

O le tulaga lamatia o le a aliae mai i se tasi o vaega auai i se pepa faamaonia o tala o tupe o le a mafua ai se gau i tulaga tau tupe mo le isi vaega auai e ala i le lē mafai ona faataunuu ana matafaioi. O pepa faamaonia o tala o tupe ia e mafai ona noatia ai le Pule (SIFA) i lamatiaga tau aitalafu e tele lava ina aofia ai tupe teu i le faletupe ma tupe maua mai a tagata faigaluega.

O lo o faafoeina e le Pulega o Tupe Faava o Malo a Samoa (SIFA) lona faailoaina atu o tulaga lamatia o aitalafu e ala i le teuina o ana tupe i faalapotopotoga tau tupe faatasi ai ma fua faatatau tutusa po o le sili atu na i lo ana fua faatatau ma le faia o faamalumaluga o aitalafu e tuuina atu i tagata faigaluega.

	2014	2013
O tulaga maualuga o le faailoaina atu o tulaga lamatia i le aso e faapaleni ai:		
Paleni o tupe i le faletupe	42,343,924	35,476,499
Tului faaputupu	601,265	385,035
Nogatupe a tagata faigaluega	1,727,726	1,881,982

(e) Tulaga lamatia o ituaiga tupe

Ua faalauiloa atu e le SIFA tulaga lamatia i le fesuaiga o tupe a atunuu i fafo e mafua mai i gaoioiga faapisinisi e faia i tupe mai fafo e tulai mai i gaoioiga tau fefaatauaiga masani. O ituaiga tupe e uluai faia ai gaoioiga faapisinisi a le SIFA o Tala Samoa ma le Tala Amerika (US dollar). E le o se faiga faavae a le SIFA le aloese mai nei polokalame faalauiloa.

I le aso e faapaleni ai na maua ai e le SIFA le tulaga faalauiloa i Tala Amerika e faapea:

	2014	2013
<i>Aseta tau tupe</i>		
Tinoitupe ma faatusatusaga o aofai o tinoitupe	1,105,789	1,034,648
<i>Oa Tau Tupe Umia Faaaitalafu</i>		
Tupe totogi – teugatupe a tagata faatau	(446,480)	(445,618)
Tupe totoe faalauiloa	639,309	586,030

O tulaga maaleale ua taua mulimuli ane e faavae i luga o polokalame faalauiloa o tulaga lamatia o tupe a atunuu i fafo o i ai i le aso na faapaleni ai.

O faaiuga o gaoioiga e ono mafai ona talafeagai le faia i tupe mama.

	2014	2013
	Mauuluga atu/ (Mauualalo ifo)	Mauuluga atu/ (Mauualalo ifo)
WS\$/USD + 5%	(31,965)	(29,302)
WS\$/USD – 5%	31,965	29,302

O le tau lea na faaliliu ai le Paleni mo le USD i aso nei:

30 Iuni 2014	-	0.4498
30 Iuni 2013	-	0.4306

(i) Tulaga lamatia o fua faatatau o tului

O le lamatia o le faatupu talafeagai e tulai mai ona o fesuaiga e ono tupu i fuafaatau o le faasili (interest rates). O nogatupe a le afaigaluega mai le SIFA e tumau e le fesuisuia i le fuafaatatau o le faasili, o le ala lena e le ono lamatia pe aafia ai le fuafaatatau o le faasili (interest rate risk).

O le lamatia o le fuafaatatau o le faasili (interest rate) mo Tupe Faagasolo o le ono suia lea o tupe maua mai le faasili ona o suiga i le fuafaatatau o le faasili. E puipui le SIFA i le ono lamatia o lea tulaga i le faatalanoa/soalauupule lea ma faletupe (commercial banks) ia maua ni fuafaatatau mo le faasili e lelei mo le SIFA ma ana teugatupe.

16. FAAMAONIGA O FAAMATALAGA TAU TUPE

Na faamaonia faamatalaga tau tupe e le Fono Faatonu ma faatagaina ai lona tuuina atu i le aso 28 o Oketopa 2014.